

## 1-§. Umumiy qoidalar

1. Mazkur standartning maqsadi, xususiy kapital bilan bog'liq axborotni aks ettirishni tartibga solish, shuningdek, xususiy kapital to'g'risidagi hisobot mazmunini belgilash hisoblanadi. Standart moliyaviy hisobotning tarkibiy qismi sifatida xususiy kapital to'g'risidagi hisobotni taqdim etishda yoritib berilishi lozim bo'lgan axborotlarga qo'yiladigan talablardan tarkib topgan. Ushbu talablar boshqa standartlarda mavjud bo'lgan va xususiy kapital to'g'risidagi hisobotning o'ziga xos muammolarini qamrab oladigan yoritib berish talablariga muvofiq to'ldirilishi mumkin.

2. Xo'jalik yurituvchi sub'yektlar tomonidan (byudjet tashkilotlari, banklar va boshqa kredit tashkilotlari bundan mustasno) xususiy kapital to'g'risidagi axborotni tayyorlash va yoritib berish jarayonida mazkur standart talablari rioya etishlari kerak.

3. Xususiy kapital to'g'risidagi hisobotni tuzishning maqsadi bo'lib, xususiy kapitalning hisobot davri boshiga va oxiriga bo'lgan holati va hisobot davri mobaynida uning tarkibidagi o'zgarishlar to'g'risidagi axborotni yoritib berish hisoblanadi.